

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2317 del 27/08/2025

La Provinzia la envia la families a fèr l paament per temp e a ciarièr l abonament

Abonament per i trasporc publics per studenc de la scoles autes

[Ladino] L scomenz de la scola, pervedù per en mercol ai 10 de setember, l é semper più apede e la Provinzia de Trent la envia la families di studenc de la scoles autes, tout ite ence i zentres de formazion profescionèla, a fèr per temp l paament del abonament per l trasport publich. La tarifa, confermèda ence per l an de scola 2025-26 la é de 20 euro, e la é debant dal quarto fi inant. L abonament l é per la zircolazion ledia e donca l dèsc l met de durèr duc i servijes de linea – corieres urbanes e extraurbanes e de la ferates tel chèder provinzièl – dal prum de setember del 2025 ai 31 de aost del 2026

"L trasport publich trentin l se conferma de an en an l servije che i studenc de la scoles de istruzion de secont livel i tol più bolintiera per jir a scola. Desche Provinzia pisson che sie fondamentèl ge arsecurè tant ai joegn che a la families l met de durèr i coleamenc envers i zentres de istruzion sul teritorie, col favorir a na vida ativa l derit al studie ence tras la libertà de moviment sul teritorie. Tel medemo temp, col confermèr l sostegn de l'aministrazion ai studenc, ge sporjon l'oportunità de se mever sul teritorie a na vida sostegnibola, smendran i cos ambientèi e sozièi del trasport privat", l à despeigà l assessor a l'urbanistica, energia e trasporc, Mattia Gottardi.

La families les é envièdes a se cruzièr per temp de ciarièr l abonament aló da la casses dai biliec de Trentino trasporti o Trenitalia. Per duc i detaes su la modalitèdes de paament e per ciarièr l abonament se pel jir sul sit web de la Provinzia de Trent (su la piata: <https://www.provincia.tn.it/Servizi/Abbonamenti-trasporto-studenti-delle-scuole-superiori>), olache vegn spezificà avisa ence co ciapèr l abonament debant per l quarto fi.

Traduzion di Servijes Linguistics e Culturèi del Comun general de Fascia

(cdt)